

gewercken an der einen seyten vnser mitburger unnd der bescheydenn Titze Hersfelt der schustermeister mit allen seinen gewercken auch vnser mitburger an der andern seythen alle ôre ufflouffte zwytracht und kryge, die sie under einander bißdaher gehat haben, williglichenn mit wolbedachtem muthe, sie beyderseyt zu entscheyden, uff uns gegangen sint vnnd wir sie der alle mit rate unnser dreyer rethe gutlich vnd freuntlich voreynet gesunet vnd gescheydenn haben nachdeme als hienach geschrieben stehit. Zcum ersten scheyde wir sie also, das man keyme man, her sy vnser burger ader frombde, gar leder inn vnser stat durch das gantze iar zuvorkouffen, den obgnanten gerberen vnseren burgeren¹⁾ zu schaden, nicht brengen sall, sunder außgeschloßen vnners iarmarckts, so mag ein yderman, her sy vnser burger ader nicht, uff seyne abentheure her in vnser stat zuvorkouffene leder bringen, und das sall er by gantzen techere[n] vorkeuffenn unnd nicht allentzen^{a)} by huten. Were aber das vnser burger keyner, schuster ader ein ander man, gar leder bey techern inn vnserme iarmarckte kouffte, das sall er selber vorarbeiten unnd nicht allentzen andern seinen gewercken vorkouffenn ader sal is forthyn wegfuren auß unser stat unnd vorkouffen nach seynem willen. Darnach ensallen die obgnanten gerber keynn naß leder zu vnserm marckte tragen, aber inn iren hußern unnd außwendig unnser stat mogenn sie es vorkouffen als sie können. Vnnd sollen auch keyne gesetze widder die schuster vom borgis wegenn under sich haben, wenn itzlich gerber sall vorkeuffen unnd borgen weme er will, nachdeme als ym das beqwemlich und lustende ist. Auch ensall widder gerber noch keyn man schue durch das gantze iar vnsern obgnanten schusteren²⁾ zu schaden inn unser stat bringen noch samptskouffs vorkouffen ader kouffenn, sundern in vnserm iarmarckte so mag bringen unnd vorkouffen schue ein yderman, er sey burger ader nicht, nach seiner lust unnd ebenthure. Were aber das der obgnanten gerber, schuster ader vnser burger keyner ader frombde kouffman dißs briefs scheydunge in dekeynre³⁾ wyß bruchhafftig wurde, der solde vnser stat zu irme gebewde vnnd beßerunge sundern allen ablas, bethe vnnd widderrede X marck guter silber gr. geben vnnd vorfallenn seynn. Geschrieben nach Cristi geburt dreyzehenhundert iar darnach inn dem achtzigsten iare, do Johannes Ileburg burgemeister was, an sanndt Johannes tage als er enthoubt wart.

Nach Barthel's Diplomatar. Lips. II. fol. 40^b im Rathsarchiv zu Leipzig.
Vgl. Peifer Memorabb. Lips. p. 259.

1) der obgnante gerbere vnser burger Barthel. 2) vnser — schustere Barthel. — 3) der teynere Barthel.
a) Für alenzelen d. i. einzeln.

No. 82. 1381.

Der Rath stellt den freien Brotmarkt ab, nachdem die Bäcker gelobt haben, wider der Stadt Willen keine besonderen Vereinbarungen unter einander zu treffen, und bestimmt eine Strafe für den Fall erneuerten Ungehorsams.

In dem iare alz man schribet nach Cristi gebort driczenhundert iar darnach an dem eyn vnde achezigsten iare, do Johannes Hosang burgermeistir was, habin